

NAMIBIA SENIOR SECONDARY CERTIFICATE

FIRST LANGUAGE RUMANYO ORDINARY LEVEL

4109/1

PAPER 1 Reading and Directed Writing

2 hours 30 minutes

Marks 70

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaLivango, Nomora yaMukandidate naLidina paMbapira yaKulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.
- Limburura mapuro **naghantjeya**.
- Kara nashinka kulishantjo, viyivitovaruro narutjangito.
- Vitwa vya pwa kare kutura mutuhaki [] kuuhura wakehe lipuro ndi muruha rwalipuro.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

LIPONGONYONO A

Varura shivarurwa makura u limburure mapuro ghana kukwamo ko.

Shivarurwa 1

Shishongwa shakuhulilira

“Shishongwa shakuhulilira” kuna shi tura mumukunda waFrentji muAlsace Lorraine, opo France va mu pompangidire vakavita vakughamba Rundoveshi, muvita vyaFranco-Prussian, 1870 – 1871. Shitimwitira kwa shi tjanga Alphonse Daudet nakushifupipita pano.

Ngurangura yinya ame kwa hulilire kuyenda kushure ntani nka kwa kalire nashinka shashinene kuugara shinene po mukondashi mitiri wetu, Mukalikuto Hamel kwa ghambire ashi nga ya tu puraghera vyakuhamena kuntjongaraka yamuRufrentji, kapi na yivire nampiri nkango yimwe yakuhamena ko. Shirugho ntjoshu ame kwa ghayalire kuduka nakukakara liyuva nalintje mumandundu. Kwa kalire upyu, kukengerera unene, vidira kuna kuyimba kundaghandagha yavitondo; ntani mushira shamuyashamena kunyima yalivango lyakutjahera, vakavita vaPrussian vavo pakudjavura. Nampiri momo gha kalire makonakono ghantjongaraka ashi ghagho madito ngoli na tokolire mukukahamena mo mpo na dukilire kushure.

Pakupitakana sala yamudoropa pakalire mbunga kumeho shita furayarombudi. Mumwaka mbiri dina ka pito mbudidona nadintje mpo kadi tundiliranga mpopo-likombanito ndwa, muyaro wamadina ghavamatighona va tininikire mukukuhamitira muvita, muyaro wavampititi wavakavita-ani kupura hana kushayeka, “vinke nka ovyo vina karo po?”

Nda na hokwera ngoweyo ame kuna kukwangura kuyenda, mushambulivikugho, Wachter, ogho a kaliro namwanuke wendi uye kuna kuvarura mbudi, a ndjita, “Mumati, wa sha kwangura kuyenda; kuukatika tupu muruvede kushure yoye!” Ame kwa ghayalire ashi walye mutevu, ano ngoli muushiri a ka tika muruvede kushure.

Kehe pano, pakutameka shure kuviyuvha muvitarata, litindatindo lyavita fura nalivyukurukavyukuruko lyavishongwa kumwekumwe, kukodoka unene, nkwandi kukudiva mavoko kumatwi ntani kuyuvha nawa. Ngoli pano navintje vina mwena teete. Lihuguvaro lyande ame kwa li tulire mumuyoyo, mitiri Hamel ashi walye kwa yendaura kuno uye kuna kumbombaura unene nashitaulito shendi pantishe, mukuyenda kushitafura shande hana kunkenga. Ene ngoli liyuva linya navintje kwamwena teete yira ngurangura yaShundaha. Palikende ani mono vaunyande vavo vana shungiri kare mumavango ghavo. Mitiri Hamel uye kuna kuyendaura ngoli kapi a kalire nashitavulito shendi shakutjilira shakudjindja unene mulivoko lye. Mpo na gharulire livero ni ngene mo shirugho osho navantje vana shungiri kare. Vi ghayare tupu ashi weni omo na kufire ntjoni nomo na kalire naghoma.

Ngoli navimweshi vyashorokiro. Mitiri Hamel a nkenge nakughamba naunongo, “Yenda wangu-wangu, kulivango lyoye, musheshughona Franz. Ka sha tu tameke ove pato.”

Ani tavuruka shibanka nakushungira kushitafura shande. Tupu wa mpwire kadidi ghoma, ani mono mitiri wetu uye ana dwata ndjafa yayiwa yashinaliwiru, shikoverero shakukunkura urenga, nashikovotiri shashididi shakuvembera shashitipu. Navintje kwa vi hondjera ko mukufughulita, ovyo a pira kudwata rumwe nkwandi palikonakono napalitapo-ndjapo namfeto. Kughupa ko ovyo shure mudima kwa kalire murupe oro ya dira kukara rumwe nalikuturomo lyalinene. Ngoli vininke ovyo vyantetukitiro po ame pakumona vibanka vyakuruku ovyo kavi karango kehe pano muporongwa, pakumona vakamambo vana shungiri teete yira atwe, nturaumbo Hauser, nalikoli vyendi lyamashonga matatu, meya wakare, mukurona waposi wakare navamwe nka ngoweyo. Kehe ghuno ana guvu, ntani Hauser uye kwa shimbire mbapira yakukurupa oyo va nyatera kumauhura, okuno ana yi fikura pamatungi ghe namamukende ghendi ana shighama

pampenapepa nda na hokwera kutetuka kunavintjeya vino, Mitiri Hamel uye a kunkumana pashipuna she, naliywi lyakukutura mo naunongo yira momo a li rughanitire kwande, a ghamba ashi “Vana vande oshino ntjo shishongwa shakuhulilira osho ni mu pa. Lirawiro kwa tunda kuBerlin mukushonga tupu Rundoveshi mushure damuAlsace Lorraine. Mitiri waRundoveshi nga ya yona. Oshino ntjo shishongwa shenu shakuhulilira shaRufrentji. Na shana mu tegherere nawa nawa.”

Nkango kwa kalire yira shindundumo shamvhura kwande! Nane nkore; nani mbyo va tura panya pasala yamudoropa!

Shishongwa shande shakuhulilira shaRufrentji! Mukonda munke, kapi na yivire shi ndi nke ni tjanga, kapi ngani kushonga nka, na hepa kushayeka ngoli tupu. Ani kuvere ngoli ashi mulivango lyakukushonga, ame kuna kukashana-shana mavuta ghavidira, nakukakatjwematjwema pamakerekeshe mumukuro pakufu! Mbapira dande odo da monikiliro yira livinde paruede runya, uditto mukudishimba, ntjongaraka yande, namatimwititi ghande ghavapongoki, ovyo vya kaliro vaholi vande va kare ovo va dilire kukomba. Namitiri Hamel naye; momo ana kuyenda kapi nka ngani mu mona, vya ndenkitire ni vhurame shitavulito she naukarodona we.

Nkenda nakukufera ove murume! Nani mumfumwa yashishongwa shakuhulilira mbyo a dwatilire vyuma vyaShundaha vyaufughuli ntani nakuvikwatalighano ashi nke vyo va shungilire vanya vakurupe vavakafumu kunyima yankondashongerero. Navo nka kwa kalire naruguvo rwarunene, mukupira kushuweda ko shure. Ndjo nkedi yimwe yakuyapandura mitiri wetu mumwaka dendi rone damutompo mushirughana nakunegheda mfumwa yashirongo osho sha diliro kukara nka shimpe shavo.

1 Limburura mapuro 1 (a) dogoro (c) pakutjanga ndanda oyo yina kukuwo nalilimburo.

Shihonena: (a) **A**

(a) Nke ka hokwanga Franz kurughana mulivango lyakuyenda kushure?

- A Kushana-shana vidira muvishwa.
- B Kudjavura navakavita.
- C Kukushonga ntjongaraka yaRufrentji.
- D Kuvanda mumandundu.

[1]

(b) Shivarurwa kuna kutapa ndundutjima oyo va kugwanikilire nayo vantu pa ...

- A kudirwitira mitiri wavo kushure yapeke.
- B kupira kuyenda vana vavo nka kushure.
- C kupira nka kukushonga vana vavo liraka lyavo.
- D pakungena mukunda wavo mulidjonauko lyavita.

[1]

(c) Povino vina kukwamo ko yini ndjo po yina kushingonono nawa ovyo yina kutanta nkango yino “shindundumo shamvhura” mushivarurwa shino?

- A kunyanyukita
- B kuvembera
- C kugarapita
- D kughomaura

[1]

(d) Muyoyo munke a tatilire Franz kuyuvha opo a tikire pepi nashure muliyuva lino? Twenya ko vitwa **vitatu**.

[3]

(e) Pakughamba mitiri Hamel, vinke ana dimburura mo Franz mumbudi yapashitafurayarombudi? Tapa ko vitwa **viviri**.

[2]

(f) Weni omo gha kutjindjire maghano ghaFranz kuhamena ukaro wamitiri Hamel muliyuva linya? Tapa ko vitwa **viviri**.

[2]

[10]

2 Kughayare ngoli ashi ndi ove Franz mushivarurwa shino. Tjanga ngoli katjangwa oko nga ka moneko musaitunga munda yashiparatjangwa “Liyakumuko mushimpagwa”. Mukukara koye ashi mukurona, teda ngoli kwavyo una kushongere mo muliyuva oyo vana tjangurura mushitimwitira. Rughanita mapukururo ghamushivarurwa nakughatamununa muufughuli kurughanita maghano ghanaumwoye.

Ukalimo washitjangwa shoye ghu tike pakatji kankango **200 – 250**.

[20]

LIPONGONYONO B

Varura shivarurwa kuntji makura u limburure mapuro ogho ghana kukwamo ko.

Shivarurwa 2

Makuverero ghamunkama

Kuna yakumuka kuviri yakaro nangendjo kumutwe wande mundjugho yande yakuyadima. Muyoyo wadjanyi! Shimpe turo, ani tokora kuyidimita mukutwikira kurara po tumunute twa ngandi. Karughoghona tupu ka pitiro po ani pahuka nakukenga mushihokwahokwa shankonda yande. Ngoli shiri na wapera muudjuni wamakushongo? Ndi ame kwa yendanga tupu kunkondashongero kunkurushure mukukarerurura tupu vighamba vyamakushongo vyavaprofesa ndi? A ghayara mukupira mbiri, walye hashu tupu ni yende kulivango lyavikorama ni ka lite vantjima ovo va yendaura ngo mo. Vantjima va kudjengura, vavo kuya nakuyenda momo vana shana. Maghayadaro ghavo kuhamena udjuni ghuno ghakushuva unene naghaghavarwana. Lighano lyakudumwa kushure lyandjedawire unene ngoli a ni li dimangeda po wangu-wangu. Kapi na shanine nka kukombanita shishongwa shangandi.

Ani kondjo mukurambuka paghuro wande wangu nakushondavera mubati yira kapi vana kumona; ani kushuku wangu nakuyipawira ndjira yande yakuyenda kushitishini shabesa. Ndjato yande nda shimpe yakarera pantishe mpopo kani yi shuvu yona. Nda na yi patera, ntani yira momo vya shwa kapi nakuwapaikiri mukuyenda kushure.

Pakurupuka kwande pandje ani dimburura ashi ngurangura yamurokwa. Shigurukuto, maremo ghamatipu, shindundumo nakuntje yina gwaneke mvhura. Ani dukiri wangu munkonda nakukanyangura litangwa lyande. Ani ghayara ashi lino lipumbompepo lya piro kuwapera mumwedi waKudumo nalikutumangedo ani yendi kushitishini shabesa. Mukutika kwande pashitishini shabesa ani mono likushinto muvipara vyavarondibesa ashi besa nkwandi kuna huliri momo vya shwa kushoroka kehe pano. Lihuliliro lyabesa kwande ko ne liyovoro lyalinene. Lirago ani ka tika muruvede rwashishongwa shaunandima. Profesa wetu ogho a yivo unene vyaunandima, Gurmail Singh, profesa wandunge ngudu ntani nka ndyo lireva lyande. Lihudi tupu ashi ukarodona wavanuke munkondashongero yetu kapi wa kuwire navitaterera vye.

Nda a kara kudumwa ndi kuhulilira kukehe shishongwa; ngoli liyuva linya kapi a ya tikire muruvede. Shingi shavaunyande ovo a patereranga pakuhulilira ava hafa navo vamwe vavo pakupembura. Kunyima yashirugho pakuyangena Profesa Gurmail Singh munkondashongero, kapi a monikire yira momo a fana. Atwe kwa vi monine ashi uye kwa guvire, ano ngoli kapi a garapire. Mushipara she mwato rumwemwe. Atu mono ashi mpo vi li vina limbo po. Nampo ukarodona wetu wa kontolire unene dogoro ghu ka ditopite vishongwa vyendi. Nantjantju, ufenkenda, ntani naudamishima a tameke shishongwa pakuyuvhita ashi ntjo shakuhulilira.

Uye kwa tamikire nakupura lighupiro po kwakehe ghuno wetu, yira ndje mundjoni ogho atu gandito. Mantjo ghetu tupu ana ndjwanguruka ngoli kapi twa yivire ashi kuni tu kengera, noko tu vandeka vipa vyetu. Atu kuyuvhu ashi kwato mulyo. Limweno lyendi lyakumonekerera lya tu twire ngudu kumuntjima yira nakavemba vana tu shata, nampiri momo ashi kwato honde oyo yapupiro ngoli atwe kwa yuvhire tjutju unene kumuntjima. Liguvo linya uditu ngudu kulivhurama. Twa vi yivire nawa-nawa ashi atwe vashongwa nani twa wire.

Kunyima yakarugho kakadidi, a kwangwiri wangu kushitafuratjango nakutjanga po shiparatjangwa maghulitiro, mo ngoli sha tamikire shishongwa shakuhulilira shakahuro ko osho a dira kushonga rumwe. A vyukiri munkalito yendi, yakuyura likuturo mo naupampi. A fwaturura shishongwa nashintje nakushirerupita kukatushuva natuvantje hwa yira momo pakare. Ruvede kwatjwema, kukakuharuka ko tupu uye kuna kutapa mureki, kutushwera lirago lyakuuto, makura a ka vhenkuka. Atu kuyuvhu undjoni nantjoni mukushaghekita po shirughana

shendi shaushongi pankedi yayidona. Uye kwa kalire muntu ogho twa holire mulihorameno ntani nakumufumadeka. Twa vi yivire ashi twa mu djona mposhi tuna hepa ntani kurughana ko shintu. Tu pongaike maliva tu ka mu ghulire profesa wetu ushwi ndi? Ndi tu ka mu ghulire mbapira yayipeepe yaunandima nakuyimupa ashi ntjo shiyivito shampandu kuukonentu ogho a tu pa. Hawe, kuvhura a dire kukayitambura morwa uye a yiva ashi shingi shetu navimweshi twa yiva ko vyakuhamena kuunandima. Shikarata shamureki? Kapishi lighano lyalidona ngoli shi didi ngudu kapi pagwaneke maghano namakuyuvho ghetu naghantje. Muruku rwamakukwetjo mumuyoyo atu kuwu palighano lyantjangwatumwa yamureki. Mukukara ashi ame na mu holiro po ngudu ava mpura mukutjanga ntjangwatumwa yinya. Ani ghayara ashi shinya shirughana shaudito. Kunyima yashirugho ani ka shungira pantjande mumpungwirambapira nankango dino tupu “Kwamukalikuto” palipepa.

(Kwatundamu Spice of Life yahitvan Singh Dhillon The Hindustan Times, 12 Nkurukudumo 2015)

- 3** Kama makufano ghapakatji kavadani namakuyuvho ghavatimwitiri yira momo ghana kumoneka muvivarurwa vino **viviri**.

Ukalimo walikamo lyoye ghuna hepa kutika pakatji kankango **200 – 250**. **[20]**

- 4** Kughayare ashi ndi ove mutimwitiri washitimwitira shino. Twikira ngoli ntjangwatumwa yamureki kwaprofesa ghoye. Rughanita mapukururo ghamushivarurwa nakughatamununa muufughuli kurughanita maghano ghanaumwoye.

Ukalimo wantjangwatumwa yoye ghuna hepa kutika pakatji kankango **200 – 250**. **[20]**

BLANK PAGE

BLANK PAGE